

coelo pro vestimento uti eodem sensu dicunt, nimirum sub dio morari et αἰθριοκοιτεῖν, unde hodieque ex Jainis Gymnosophistae दिगंबरः audiunt, idque tanto convenientius quum अंबरं iam per se coelum sit: अंबरं व्योमवाससो (*Visous* ad Sisupal. 5, 3.). De vocabulo सङ्गं vid. ad *Nit.* 34.; Schol. compositum dissolvit: विरतिः विरक्तिः सैव वनिता स्त्री तस्याः सङ्गमुदितः *Munis*, unde मौनं *silentium* descendit, Yogī est, infra (93) गिन्तुः dictus. Vocabulum अतनुभूतिः bene me cepisse, affirmare non ausim; Schol. in Cod. अनुभवः addunt; fort. leg. अनुभावः qui nullam corpori auctoritatem permittit.

90. Repetendi erant versus, nonagesimus et qui eum sequitur, ex Edit. p. 83., ubi coniunctim leguntur, in Cod. A. eundum locum occupantes; interrumpunt enim ordinem et ad Sivicultum pertinent, quare etiam apud Rogerium hoc loco prostant. *Opera eradicare* est prorsus non curare neque de officiorum praemiis sollicitum esse. Scholia non adsunt.

91. Schol. पात्रयतां pro patera adhibeatur et verba reliqua in Imperativos Activi commutat: पात्रं कुरु: ॥ *Felicitatem summam praebens*, परमानन्दः epitheton Brahmi est, quocum per intimam ipsius scientiam unitur Yogī etsi vitam conservet, siye in vivis maneat: hanc vero felicitatem Sivi favore assequitur devotionis viam ingrediens. सुलभां iubet Cod. A. una cum scholiis suis, sed religio fuit sollicitare vulgarem lectionem.

92. Ultimum devotorum gradum depingit auctor capite hoc decimo, अवधूतचर्या inscripto. Brahmani vitam quadripartitam non uno loco leges praescribunt sacerdotales ita ut per iuventutem ब्रह्मचारी Vedorum studio incumbat, dein paterfamilias, siye गृहस्थः sui ordinis officia persolvat, postea वनप्रस्थः ὠλόβιος s. eremita, meditationi vacet, hominum consortium non prorsus devitans, postremo loco autem यतिः fiat, siye अवधूतः (cf. *Manu* 6, 67.). Talis asceta, in antecedentibus satis superque descriptus, cynicorum more incedit, baculum manu gestans et peram seminudus ab humero suspensam gerens, siye ut *Aristophanis* dicam verbis ἀνδρὶ ἱματίῳ μὲν εἶχεν ῥάκος: in his omnibus enim Yogines Indici Cynicos aemulantur, imo longe superant: vaga delectantur, inhumana ac ferina fere vita, tribonium in deliciis habent attritum ac squalidum et quemadmodum *Philemo Comicus* Cratem describit, quod aestate crasso pallio indutus conspiceretur ob tolerantiam, hieme detrito:

Καὶ τῷ Θέρει μὲν εἶχεν ἱμάτιον δασὺ
Ἰν' ἐγκρατὴς ἦ, τῷ δὲ χειμῶνος ῥάκος.

id multo magis in ascetas quadrat Indicos. Sed iam videamus singula. *Pudendorum fascia* (कौपीनं) in plus quam centum frusta debet esse distracta — तर्जतर Comparativus est adiectivi intensivi per totam radicem तृ repetitam efformati, quales sunt गद्गद् balbutiens, कलकल avium cantus et quae ad sonum simul exprimendum inserviunt formae: किकिणी perisphyris tinniens, tintinabulum, coll. murmur, turtur cet. Sic forte purpura colorem intensum et quasi impletum (पूर) significat et ११११ carduus ad stirpem दृ lacerare referendum